

37

13

DEO OPTIMO MAX.

UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.
CARDINALITIIS DISPUTATIONIBUS,
manè discutienda in Scholis Medicorum, die Jovis nono
mensis Martii, anno Domini M. DCC. XLVII.

M. HENRICO BESNIER, Doctore Medico,
Præside.

An alimentis refectur morborum germina?

I.



OT opes & insidias hominum vitæ parant cibis & potus, ut qui valitudinis suæ studiosus est, huic præcipuè inquirendum sit, quo alimento pasci, quem latice potare debeat. Ingens est tùm esculentorum, tùm potuum diversitas: mirum ne dixeris: etenim, quoniam singulis diebus, stante ipsâmet sanitate, germinat morborum ilias, non sine summâ Supremi Artificis providentiâ, præstò sunt edulium & potuum variae species, quibus varia agrotationum germina refectentur. Igitur existimandum venit non differe tantùm esculenta & potus nutritionis gradu, verùm diversis etiam facultatibus quæ unicuique generi, sive cibotum, sive potuum propriæ sunt. In hoc vis eminet cardiaca; in illo refrigerandi facultas: aliud insignit non mediocri in stimulo efficacia, &c. Tam latè patet hujusmodi cognitio, ut partem Medicinæ hygieinæ dictam constituat. At ignorant ferè omnes vivendi normam Medicinæ præceptis subjacere: lethum plerique sibi maturant in eligendo vivendi genere sibi duces cæci, dum interim debent alii, verbi gratiâ, pro vino aquam potare, alii qui carnem postponunt oleribus, olera plurimum epurare. Nul- lum enim est nutrimentum quod naturam & conditionem, ut aptum sit uni, potius quàm alteri, non habeat. Sua idcirco cuique laus est, variisque nominibus mutuo sese antecedunt.

I I.

EDULIA potiusque bifatiâ dividenda; alia nutritiam ubertatem potissimum obtinent; cætera cum nutritiâ virtute facultatem aliquam, ut humores incidenti, conjungunt. Priora vocate liceat nutritia, posteriora verò alterantia; non quòd hæc nutrire nequeant, sed quia vi aliquâ alterante præpollent: nec illa sunt alterando imparia, sed nutriendi facultas dominium sibi vindicat. Nutriens cui à Supremo naturæ Artifice simplicitas maxima concessa est, panis, jejunum ac breve pauperis sustentaculum: an sufficiat ad fortissima præstanda corpora, quaeritur. Non desunt qui asserant, fortè expertus est nemo. Ne victus opponatur rusticorum opificum, quibus panis & aqua satis esse nobis videntur. Hi quippè miseri sortem lugent suam,

A

nec injuriâ, & frequentius ægrotarent, nisi peropportuna variorum quæ in manibus ipsorum sunt, vegetantium accessio, commodis bene multis exciperetur. Panis & ipsa caro quantumvis nutritio turgent succo, non ea omnia complectuntur quibus primæ malorum labe quotidiè partibus solidis & fluidis illatæ citò & absolute corrigantur. Quod quidem non rarò experiuntur. Si, exempli causâ, homini fatigato ac defudanti panis, caro, & aqua duntaxat offerantur, non nisi sensim & sine sensu vires recuperaverit. Si verò huic prius vinum propinetur, à primis haustibus quantus vigor efflorescat, nullus nescit nisi phlegmaticus aque potator. Nutrientia simplicia alterantium omnino similem effectum ipso diuturnitatis tractu non sortiuntur.

I I I.

TOTUM hunc orbem valetudinario sagaciter comparavit eruditissimus Gui. Patinus, » in quo non omnes decumbunt ægri; sed eorum multi pro sanis ambulant (a) « Quos quidem si propius inspicias, in statu perfectè sano versatos vix unquam invenies. Sanus tamen non malè dicitur cui pro Pharmacopolio culina est, & acedè levia quotidiana morborum principia, ut assumptis epulis facile avolent. Qui morbi, inquires? Non tam morbos quàm prima morborum germina in medium proferimus. Hic atoniæ aliquantulum est villis; illic tonus major: modò fibrarum nimia relaxatio, aut mollities; modò tensio firmior, aut siccitas: in altero jam plus æquo abundant humores; parior in altero mensura: in alio sanguis subacris & fluidior; in alio paulò spissior: in hoc purpureus latex nimium festinat; in illo moratur, nec satis rarefit: aliquandò inter plicas & rugas intestinorum nidulantur viscosæ chyli saburrae, vel materiæ vermium fomites: videas in quibus vis generandi imbecilla; occurrunt multi in quibus illa importuna est, ac luxuriosa. Sic totò ipsius sanitatis curriculo suos quisque patitur manes, varia scilicet incommoda quæ de perfectâ solidorum & fluidorum conditione aliquid detrahunt, quamvis non semper ab omnibus sentiantur. Hæc morborum initia brevè adolēcerent & pullularent, nisi esculenta & potus istis adversantia jugiter adhiberentur, quibus tanquam variis remedium generibus fibrarum & humorum deperditæ indoles rescirentur.

I V.

EST-NE ea fibrarum & humorum conditio, ut assidue debeant humectari? Ea siccitas alvi, ut hanc morantem increpes? Inter varias panis species, si quem habeas delectum, huic primas defer qui ex conjunctis tritici & secalis farinis componitur. Sunt-ne valida viscera, celeris digestio, vehemens musculorum motus, valde acti humores & subacres? Obsunt carnes molles, non adiposæ, tenues, & leves; vel perpetuam ferè mensam imperant; prosunt verò duræ, crassæ, & pinguedine interfectæ. Si incitandus sit ac tenuandus sanguis, quid jucundius & absque minori periculi metu præstare id boni poterit, quàm vetulorum volatiliū caro? Habet enim aliquid subtilis & subacre, undè alkalescens nuncupatur: Si te suaviter nutrire gestias, & simul digestivos succos à cæteris alimentis adulteratos: castigare & insaturare, promovere coctionem, alvumque leniter mollire, fructe Conchyliis. (a) Si dura moratur alvus, aiebat Horatius, *Mitulus & viles pellent obstantia Concha*. Adolescentes & biliosi qui Lactucas devorant minimè culpandi: inter olera choreas ab omni ævo ducunt, & æstivis temporibus usitatissimæ. » Familiare præbent alimentum medicamentosum juvenibus & biliosis naturis perutile (b) « Nam aquosi & nitrosi succi beneficio temperant; sitim egregiè restingunt; bilis fervorem, sanguinis æstum compescunt. » Siccioribus etiam alvi constitutionibus summi sunt levamini » nis, sive crudæ, sive coctæ sæpius comestæ (c) « Intybus quoque & Portulaca diluant, humectant, & refrigerant. At Cichorium silvestre, sive viride, sive candidum, inter refrigerantia recensendum non est. Omnes enim amarorum dotes obtinet, nisi in tantâ aquæ copiâ decoquatur & dispergatur, ut à merâ aquâ nihil auræ parum diffuset. Porro omnibus amaris proprium est ut calefaciant. Solidi ad fluidum & fluidi ad solidum attrita produci calorem experimentis evictum est. (d) Tritus

(a) Gui. Pat.
Thes. an. 1643.
Est-ne totus ho-
mo à naturâ
morbus.

(a) Th. 1745.
An Conchyliis
minuat alvubria?

(b) Mat. Med.
D. Geof.

(c) Ibid.

(d) Boerhaav.
Chem. de igne.
Murrin. de cal.
animal. c. 1.

erescit in ratione molis, velocitatis & resistentiæ. Igitur, cum amarorum particulae fibras corroborent atque stimulent, & intra vasa mole vique sibi insita in moleculas humorum quoquoversus aricent, sanguis magis premitur eoque validius teritur, quod fibrilla recens plus solito tensa vehementius renituntur; idem rarefit, vasa distenduntur, verbo corpus incalcescit. Amara stomachica esse dicuntur. Talia specificorum nomina ab antiquis hereditate nobis obvenere. Ista peperit experientia, aluit observatio, conservat magnâ ex parte religiosum erga veterum traditionem obsequium. Id tamen de hodiernâ & saniori Physicâ honorificè prædicandum, quod cœperit specificorum nomenclaturam minuire, in locum verborum quæ vaga erant & fallacia, notiones claras & distinctas sufficiendo. Ideo amara digestionis famulantur, quod ventriculi fibras ritè stimulent ac corroborent, succosque gastricos seniores ac spissiores incident, ipsisque calcar addant: cæterum quoquoversus intra corpus feruntur hujusmodi facultates, ferè ut in ventriculo agunt: amara mucosam sanguinis portionem (quæ malè fibrosa dicitur) incident, & hoc nomine solent tenuantia sanguinis appellari; glutinosas ventriculi & intestinorum saburras tenant, necnon cæterorum, qui in valis morantur, lymphaticorum humorum crassitie adversantur: utinas movent; ob singularem quem habent cum urinâ consensum, abundè secerantur in renibus, & illos vividè stimulando copiosissimâ urinæ secretionem excipiunt: bilem tenant; ob analogiam bili annectuntur, hanc cient & fluidiorem efficiunt. Cichorium ergo, pro majori vel minori quo pollet amaro, recensitis dotibus potitur. Hinc patet Cichorium necessariò calefacere, quiddid garrilat muliercular, vel imperiti Medicastri. Nasturtium & alia quæ alkali-volatili principio gaudent, non mediocriter stimulant; calefaciunt; incident; acida implicant, & hujus copulationis ope in salis ammoniaci naturam convertuntur; diuresim movent. Quæ parentehis dulci & lento imbuta sunt, ut Beta & Spinacia, pertinent ad classim incrassantium, quæ ad demulcendum, humectandum, emolliendum, & leniendum sapissimè usurpantur, rarè autem inspissandi causâ; multò enim frequentius humores ad inspissationem, quàm ad dissolutionem vergunt. Acetosa & fructus horati ut Cerasa, Ribes, Mala Aurantia, & cætera acida, sitim levant: appetitum movent; antheimathica sunt: refrigerant: hæc porro præcipua est acidorum facultas. Refrigerandi autem non una ratio. Temperat aer frigidus sanguinem, condensans. Incrassantia temperant humores, demulcendo ac inspissando, sic enim illorum acrimoniam & imperum frangunt. Sed acida idè temperant, quod sanguinem aliquantulum coagulent, dum mucosam illius & lymphaticam partem ita contrahunt & compingunt, ut diffilire undequaquè aquosam portionem permittant. Præterea acida astringunt; ab his villi corrugati & crispati decurtantur; hinc differunt à stimulantibus quæ tensionem quidem augment, & decurtationem promovent, sed aucto fluidi nervi affluxu: ablutunt etiam à siccantibus quorum ea est virtus, ut serum à fibrarum poris amendant, & sic majori brevitate atque tenuitate ansam præbeant. Acida putredinem arcant: bilis fervorem infringunt: diuretica sunt: à quibusdam cardiacorum instar laudantur. Quidni potius pro refrigerantibus ac stimulantibus, aut saltem frigidis & non nisi momentaneis cardiacis habentur? Calida sunt omnia quæ cardiacorum nomen jure sibi vindicant. Tamen sexcenta sunt calida quæ cardiacæ nec sunt, nec nisi ab ignaris hoc nomine salutantur. Videntur etiam stimulantia quæ quantumvis valida, cardiacæ non sunt; imò virium depressionem admittunt. Nec desunt cardiacæ (ut Cinnamonum) quæ fat vehementer calefaciant, licet vis stimulandi ipsis minor insit, quàm aliis ejusdem caloris. Cardiacæ omnia, Vina rubra; Nux myrsitica; Cassia; Caryophylli aromatici; Noces conditæ; Cortices Aurantium; Chocolatum, &c. succurrunt debilitati, seu imminuti corporis viribus; depressioni pulsûs; sanguinis leuotri; nativi caloris detracti; nimia villorum laxitati, ut in senibus; atque stomachi & intestinorum languori. Quotiescumque à vino stimulus potius quàm cardiacum desideratur, album seligendum est; alba enim vina (si pauca exceperis) stimulum ingentem, sed robur brevissimum injiciunt. Quare vino rubro, in genere, laus maxima debetur. Præterquamquod enim minùs iritat, plus roborat; imò & astringit, eoque efficacius, quò intentior est ipse rubor. Qui firmâ gaudent valetudine; qui multo labore corpus exercent; qui parcius mingunt; quibus ærior intesti-

pituita, aut deest diaphoresis copia naturalis, hi habitâ ratione temperamenti, ætatis & tempestatum lactifico misceant Baccho pocula. Pucri dilutius, juvenes dilutum, senes meracius bibant. Sunt quibus Cerevisia magis arridet. Sunt quibus Pomaceum salubrius. (a) Aliis solius aquæ potus permittendus. Quæ de cardiacis recensita sunt, his finem faciet Chocolatæ brevis expositio. Ex nucleis Cacao à putaminibus mundatis, Saccharo, Cinnamomo, & plerumque Vanillâ confatur. Cacao ex se ad in-
crassandum habilissimum est. Gummoso-oleosum est, pingue & crassum; si crudum com-
medatur, ob nimiam & crassiorem pinguedinem ventriculum gravat & obstructions gi-
gnit, si nimia copiâ sumatur. (b) Ideirò cum aromatis, Cinnamomo & Vanillâ per-
mifectur, & exurgit cardiaca compositio, quæ Chocolata dicitur. Si valdè aromati-
ca sit, nunc nocet, nunc juvat; sin minus, officit digestioni.

V.

EX dictis conficiendum est, 1°. nullum dari vitæ punctum quod careat, non dico affectibus, sed affectuum feminibus; 2°. varias tum efulentorum, tum potuum species in hunc finem collineare, ut diversis indicationibus satisficiant. At, ob-
iicias: Nonnè datur status hominis perfectè sanus? Sic opinionum fluctibus jactamur
Mortales! » Totus homo est à naturâ morbus.... omnis dies, omnis hora nos mu-
» tat.... nec à solis morbis afficimur; facessunt & negotium illorum prodromi, ipse
» somnus,.... pervigilium.... sudores.... ne non ipsa sitis.... lassitudo.... quæ
» est & ingenii, nec illa levis, imò supplicium insolens & sedentium ad libros mi-
» serum stipendium.... Ipsa athletarum iusticiæ periculi plenissima est, nisi statim sol-
» vatur.... speciosa illa sanitas lubrica est: ipsi benè colorati debent habere suspecta
» sua bona.... Qui enim foris splendent, intus sæpè sordent. (c) « Ex Boerhaavio
illud est secundum hygieines munus, ut morbos in temperie tanquàm in semine la-
» tentes & facilè excitandos præcaveat. (d) Repones: Si daretur status ille (perfectè
sanus) vana quæcumque de corporis humani statu naturali seu sano predicantur. Sanus
quidem ille est qui functionum integritate contentus vivit. Verùm an hæc sanitas per-
fecta sit? Sub iudice lis est. Quot videas pueros qui bibunt cum sitiunt, epulantur ubi
esuriunt, ambulant, cenant, quibus semper præstò fames, quibus cum lecto com-
ponitur & manè evigilat, qui de die ludunt, saltant & ridet, qui omnia bonæ va-
letudinis signa præ se ferunt, in quibus inerim latitant morborum & mortis ger-
mina. In hoc qui ex parentibus Syphilide conspurcatis natus est, lymphæ vix syn-
cera clanculùm alit Strumarum semina. In illo qui à parentibus Arthritide, Calculo,
Phthisi vexatus, similibus injuriarum germina. In plerisque venenara Variolarum origo.
Heu! sæpius tales morborum causas, si morbi deficiant, nimia felicitas fovet, nutrit &
maturat. Sic medio de fonte leporum surgit amari aliquid quod in ipsis faucibus an-
gat. Igitur nimium ne crede colori: te esse perfectè sanum: ne existimes, quod fun-
ctionum integritate fruaris. Quæ afficiunt solida & fluida, vitiorum vel umbram re-
formides, ne spernendo modica, paulatim decidas, aut bellum in mediâ pace con-
surgat. Res prosperè succedet, si varic injuriæ, quibus singulis diebus obnoxium est
corpus, innescant, & efculenta potusque iis propulsandis idonea feliçantur.

Ergò alimentis refectantur morborum germina.

Proponebat Parisiis ALEXANDER-DIONYSIUS DIENERT,
Meldenfis, Saluberrimæ Facultatis Medicinæ Parisiensis Baccalaureus,
A. R. S. H. 1747, à sextâ ad meridiem.